

– Չե՞ս տեսնում, ինչպե՞ս գևամ:

– Ծո՛յ, – ծաղրելով նկատեց եղբայրը, – ամեն օր երեսդ կապում ես, թե ատամն է ցաւում... քո ատամի ցաւը չպրծաւ...

Աշխենը չհամբերեց եղբոր կծու նկատողութեանը, այլ երկու ձեռքերը բարձրացնելով եւ բոլոր մատները բաց անելով, ասաց.

– Դու գևա՛յ, գիտեմ, որ դասերդ չես սովորել... որքան զրոյ ես ստանալու, տասն զրո՛յ, տեսնո՞ւմ ես...

Եղբայրը ետ չնայեց եւ հեռացաւ:

Հայրը սկսեց ժպտալ իր զաւակների վրայ:

– Արամ, – ձայն տոեց նրա ետեւից, – վարդապետիդ ասա, որ ճաշին մեզ մօտ լինի: Ասա՛, որ Արփիարը այսօր գալու է Մուշից:

Աշխենը սկսեց ինքն իրան մրթմրթալ:

– Տասն օր է, որ ատամն ցաւում է... Նա ասում է, որ սուտ եմ երեսս կապել...

– Այդ քո տասնից մենք չազատոեցանք, Աշխեն, – ծիծաղելով նկատեց հայրը, – տասն օր որտեղի՞ց կը լինի, երկու օր է, որ քո ատամը ցաւում է:

Տասն թիւը մի խորհրդաւոր թիւ էր փոքրիկ Աշխենի լեզւում, այդ թոով լրանում էին նրա ամեն հաշիւները:

– Դէ՛, զաւակս, վագի՛ր ներքեւ, այգեպանին ասա՛, որ այստեղ գայ: Ա՛յ, այնտեղ, թթենիների ծառաստանի մէջ կը լինի. տերեւներ է կտրատում շերամի համար:

Աշխենը թիթեռնիկի արագութեամբ անյայտացաւ խիտ ծառաստանների մէջ, որոնք նրան այնքան ծանօթ էին, որքան իր պահարանի խաղալիքները: Բայց մի քանի ընկալից յետոյ, վազվզելուց շնչասպառ եղած, վերադարձաւ, միայն դատարկ լուր բերելով:

– Տասն անգամ կանչեցի, ձայն չտոեց:

– Դարձեալ տասն... տօ՛, չարածճի, ես քո ձայնը միայն մէկ անգամ լսեցի, – ասաց հայրը ծիծաղելով, – սուտեր է՞լ ես իմանում խօսել:

Աշխենը գլուխը քարշ ձգեց, եւ նրա փափուկ թշերը աւելի կարմրեցան: Հայրը բռնեց նրան եւ սկսեց փայփայել մետաքսի նման գեղածաւալ գիսակները, որ սփռուել էին ուսերի վրայ:

Այդ սիրող հայրը Կարօն էր: Նա մի ժամանակ դանակով մարդիկ էր մորթում, իսկ այժմ դանակով պատուաստ էր անում: Չարմանալի փոփոխու-